

吉林司法官報

宣統辛亥年

第十期

宣統辛亥年九月

吉林司法官報

第十一期

吉林司法官報局編輯

吉林司法官報辛亥年第十一期目錄

諭旨 章奏

四道

一館部院

法部奏請以陳嘉穀補授地方審判廳推事員缺摺 法部奏請以張

仁普補浙江溫州地方檢察廳檢察長員缺摺 法部會奏遵議御史陳善同奏

各省審判檢察等廳遇事衝突受訴推諉請飭嚴切考核妥擬章程摺 御史陳

善同奏各省審判檢察等廳遇事衝突受訴推諉請飭嚴切考核等片 法部奏

李鵬齡等願就原官應准註銷法官片 法部奏湖北試署武昌府地方審判廳

推事長林祖彝補行考試片 大理院奏派員前赴美國入會並往各國考察釐

事摺

二外省

護理四川總督王奏開辦省城習藝所專收罪犯片 東三省總督趙奏

特別地方審判廳一時未能裁撤摺 安徽巡撫朱奏遵章裁撤按照磨按司獄

片 兩廣總督張奏澄海等縣商埠審檢各廳一律開庭片

三本省

撫院陳會同東三省總督趙奏請將孫德俊革職歸案審辦片

公牘

一館部院

憲政編查館咨覆法部解釋解勘改為覆審及未設審判地方命盜開

參各辦法文 法部咨覆東三省總督准館咨覆酌定東三省移居宗室犯案或

宗室係被害人或覺羅犯案及一應宗室覺羅民事訴訟管轄辦法文

二外省 雲南高等檢察廳據地方檢察廳呈爲審判廳判決行律有誤提起上訴
移高等審判廳起訴文 雲南高等檢察廳咨呈提法司請將廳判死罪人犯在
獄內行刑文 江蘇鎮江府地方審判廳曉諭人民遵守法律文
三本省 高等檢察廳咨呈提法司爲判決民事案件應否歸檢察廳執行其全案
證據及判斷理由應由何廳錄叙請查核見覆文

批詞

一 公署一則 二 司署一則 三 各廳二則

判詞

一 刑事一則

法制

奉天幼年審判庭試辦簡章 新刑律總則集解 (續第十期未完)

譯叢

日本司法省議類典 (續第十期未完)

雜誌

記日本一文錢犯罪事件 法院編制法述義 (未完)

附刊

新城府地方初級審判廳職員一覽表

諭旨

閏六月十三日欽奉

諭旨內閣會奏覆核廣東禁賭條例繕單呈覽一摺著依議欽此

二十二日內閣奉

上諭江蘇高等檢察廳檢察長著孫壽臣試署欽此

同日內閣奉

上諭甘肅高等檢察廳檢察長著德斌試署欽此

同日欽奉

諭旨御史蕭丙炎奏各省府廳州縣設立審檢等廳諸多窒礙一摺又片奏擬請通飭各省設立特別地方審判廳等語均著法部知道欽此

章奏

一館部院

法部奏請以陳嘉穀補授地方審判廳推事員缺摺

奏爲遴員請補地方審判廳推事員缺以重職守恭摺仰祈
聖鑒事竊查升署刑一
庭推事樂駿聲前調補民二庭推事兼庭長所遺刑一庭推事一缺查有現署是缺之地
方檢察廳檢察官陳嘉穀於光緒三十四年七月奏派到廳委充幫辦推事於宣統元年
閏二月委署刑一庭推事上年補行考驗照章免考本年四月奏補地方檢察廳檢察官
仍署理刑一庭推事該員任差三年深資得力擬請將該員補授地方審判廳刑一庭推
事以專責成如蒙
俞允即由臣等咨送內閣驗放奏請補授所有遴員請補地方審
判廳推事員缺緣由理合恭摺具陳伏乞
皇上聖鑒訓示謹
奏宣統三年六月初
十日奉
旨依議欽此

法部奏請以張仁普補浙江溫州地方檢察廳檢察長員缺摺

奏爲請補浙江溫州地方檢察廳檢察長員缺以重職守恭摺仰祈 聖鑒事竊查法

官考試任用暫行章程第十一條內載第二次考試合格者照章作爲候補先補各初級
審判廳檢察廳之缺但開辦之初在高等以下審判檢察各廳學習者准暫以考試成績
最優者分別酌補高等以下審判廳檢察廳之缺等語茲准浙江巡撫咨稱試署溫州地
方檢察廳檢察長章世炎現丁父憂應即開缺查有代理高等審判廳刑事庭長候補五
品推檢陝西儘先補用直隸州知州張仁普資格相符堪以擬補咨請查核具奏前來查
該員張仁普係由京師法律學堂甲班畢業考列優等照章免第二次考試經臣部於宣
統二年十二月初七日奏改以五品推檢候補分發浙江在案茲准前因臣等查與定章
相符合無仰懇 天恩准將候補五品推檢陝西儘先補用直隸州知州張仁普補授

浙江溫州地方檢察廳檢察長以重員缺而專責成如蒙 俞允即由臣部欽遵照章

辦理再該員係法律學堂甲班畢業已經改官引 見人員毋庸再行帶領引 見

合併聲明所有請補浙江溫州地方檢察廳檢察長員缺緣由謹恭摺具陳伏乞 皇

上聖鑒訓示謹 奏宣統三年六月初十日奉

旨依議欽此

法部會奏遵議御史陳善同奏各省審判檢察等廳遇事衝突受訴推諉請飭嚴切

考核妥擬章程摺

奏爲遵

旨籌議恭摺仰祈

聖鑒事內閣片交五月初十日欽奉

諭旨御史

陳善同奏各省省城商埠新設之審判檢察等廳遇事衝突受訴互相推諉請飭各省督撫嚴督提法使嚴切考核妥擬章程等語所奏不爲無見著法部按照所陳各節認真整頓妥慎籌議具奏欽此欽遵並鈔出原奏到部竊維司法獨立頭緒萬端上年各省省城商埠各廳開庭照章考取法官分發任用節經法部奏頒各廳試辦章程辦事章程等項並於本年五月通行告誡法官各在案茲復以言官陳奏上系 宸廑諄諄以認真整

頓妥慎籌議嚴切督責仰見 朝廷慎重司法之至意欽悚莫名謹按該御史所陳各節確切查核通盤籌畫爲我 皇上縷晰陳之如原奏所稱審檢遇事衝突上級下級受

訴推諉一節溯自各省開庭以來查有四川重慶審檢廳員互相稟揭經提法使查確報

部分別撤省另行派充此外各省尙無稟揭報部情事然互相齟齬則時有所聞推原其故皆由開庭伊始權限之分規定尙未周備新舊之見彼此未甚融洽抗爭詰問勢所必然現在各項權限與夫辦事規則疊經法部與前憲政編查館隨時補訂分晰以冀衝突之隙漸次消除至受訴辦法從前憲政編查館奏定管轄案件暫行章程規定審級釐然不紊該法官等各有專責似不容有所推諉但事屬創舉審級管轄民間或未周知往往有應歸初級者投訴地方應歸地方者投訴高等各該廳以其舛誤駁不收受又或州縣不任承緝之責警察每多觀望之嫌機關尙未完全辦理動形困難民間疑慮或致譌傳凡此種種皆衝突推諉之說所由來也原奏又稱人員耽於飲博聲伎詆詞似嘲謔癡囈其陋劣者不知民刑何名律例何物一節查各省法官均係上年第一次考試所錄取既合於法定與考資格復經 欽派大臣秉公拔選已屬慎重將事即照章免考者亦均資格較優之員其中通曉律例深知自愛者自不乏人然名實不符者恐亦在所不免前此四川提法使以重慶廳員間有冶游情事申報法部當電川督確查分別撤省由法部

另摺參辦該御史所稱廳員耽於聲伎等語不爲無因竊維登進之道不能不寬其格以廣搜儲而糾察之權則仍歸責於長官以明黜陟地方審檢廳均設有廳長高等均設有廳長廳丞而全省司法行政復設有提法使舉凡廳員之賢否自應責成各廳長廳丞遇事稽查隨時陳報提法使分別懲勸如有庸惡陋劣之員濫廁各廳而廳長廳丞互相徇隱一經提法使訪查得實或別經發覺即將各該廳長官一面申報該省督撫一面報部開叅庶各員同顧考成不至優容敗類矣原奏又稱敲賊枉法任性濫刑小民含冤負屈呼籲無門一節查司法制度或爲折衷或爲合議層層有銜接監督之責即初級獨任亦有檢察以對待之若果敢於違法受賄則訴訟人可以上控諮議局可以糾舉立法已較從前更加嚴密小民如實有冤屈似不致呼籲無門至已設廳地方除豫審庭准於死罪人犯酌用竹板外餘俱停止刑訊惟立法雖極整嚴而奉行尤宜實力法部業於本年正月奏明請旨重申誥誡欽遵在案容由法部隨時查察已設各廳儻有濫刑情事自應從嚴參辦原奏又稱各廳審結咨送法部大理院之覆判案件大率顛倒事實引據失

當往復駁斥困難萬狀一節查新章惟外省未設廳地方所有案件暫准由大理院覆判其已設廳地方並無咨送部院覆判之制惟各廳於判決後申報到部之件無論案情鉅細均經法部督飭司員詳加查閱除事實及法律上極端錯誤照章飭令提起非常上告或再審外其有關於秋審實緩而節目尙應待查者則爲之照例核辦或聲叙不無遺漏或造報間有參差則爲之詳訂程式藉免紛歧務使行政司法兩不相妨並以此補法學之新知策法官之進步此固新舊接引一大關鍵亦即部臣所日夜孜孜不敢稍辭其責備者也該御史所稱往復駁斥困難萬狀者蓋即以此原奏又稱通飭各督撫嚴督提法使將新設廳員嚴切考核不稱職者不待第二次考試即予淘汰並速將法官懲戒法編定頒行一節查法院編制法第一百九條學習推檢品行性格由該監督官出具切實考語送司報部核定劣者得隨時罷免又一百二十二條推檢如因精神衰弱不能任事各省由司報部奏請退職各等語是考核辦法編制法原有專條其曰劣者得隨時罷免即原奏不待第二次考試即予淘汰之意現在四川等省撤辦法官各案即係照此辦理至

法官懲戒法法部早已編訂咨送前憲政編查館核議應由內閣法制院從速核覆具奏其懲戒法未頒行以前業由館奏明暫照現行處分則例辦理遇有法官違法情事暫時足資引用原奏又稱法部所限考試法官資格再三變通務從寬大又奏設年半畢業之法官養成所將來能否見諸實用恐無把握卒業後考試任用方法請飭妥擬章程

一節查上年七月法部具奏法官考試推廣與考資格係因貴州江蘇等省合格應考人少據該撫等電請變通咨商前憲政編查館核准始予奏明推廣然於在外國法政速成畢業者復限以充當法政教員三年於法政二年畢業者復限以領有優等文憑變通之中仍多限制可見求才苦心並非務從寬大乃資格雖已推廣中程者仍復無多因復奏設法官養成所以爲先事儲才之預備此項學員畢業期限雖似縮短而年半之專習主要視彼三年之兼習普通者功課更爲適用至將來考試任用方法館部章奏原已規定似不在臨時之限制而在平日之考核本年三月法部奏准該所章程上月奏准考核私立養成所等項章程規畫已自嚴密自不必另擬章程致滋瑣贅以上各節均經法部確

切查核尙係實在情形顧臣等平心而論法官人才儲備本屬無多法庭均係新開經驗
自需時日加以司法獨立地方官驟失承審之法權行政官忱於干涉之限制愚民少見
而多怪舊役失業而造謠謗讟之興固由一二不肖貽人口實實則過渡時代事所難免
設非行之日久官民漸知其利各項規章亦漸完備則一切困難情形未由消滅即如京
師及奉天天津等處設廳至今漸次就緒其明證也惟是目前辦法不能不續謀補救之
方現在山東山西陝西新疆湖北江西浙江等省多有遴選各項行政人員暫行委用迭
經奏咨在案查前憲政編查館奏訂法院編制法摺內稱凡非推事及檢察官者未經照
章考試無論何項人員不得補署法官各缺等語細繹語意其曰不得補署則暫行委用
自不在限制之列臣等竊本斯意擬請嗣後各省推檢人員除照章任用外如實在不敷
分布及人地不甚相宜准其參照法部前年奏准各省審判廳籌辦事宜單內用人一條
由督撫督同提法使認真遴選確係通曉法律長於聽斷之員咨部暫行委用俟該法官
等學習漸有經驗即由各該省體察情形照章辦理似此一轉移間雖揆之現行法制略

有未符然當司法困難之際實不能不謀此權宜辦法以冀溝通新舊逐漸進行是又臣等再四詳審用特直陳於 聖主之前者也此外如有應行更革損益之處容隨時查

核辦理所有遵

旨妥慎籌議各緣由是否有當理合恭摺覆陳伏乞

皇上聖鑒

訓示謹

奏宣統三年六月二十二日奉

旨依議欽此

御史陳善同奏各省審判檢察等廳遇事衝突受訴推諉請飭嚴切考核等片

再臣維訟獄者生民之大命也國家凡百政務官施而民受大都屬於間接官民直接相見者獨審判而已審判者所以劑不平而使之平積不平之氣於下而上弗能疏通而申理之人人含有宿冤深忿疾視其上大亂之道也虞之五臣皆聖人也而舜獨以民協於中歸功於明刑之臯陶曹戩與魯莊公論戰公曰大小之獄雖不能察必以情戩曰忠之屬也可以一戰蓋人心離合之判天下治亂之原不可不慎如此 朝廷預備立憲司法獨立開辦之始宜如何其慎其難乃臣聞各省省城商埠新設之各級審判檢察等廳審判與檢察遇事動生衝突上級與下級受訴互相推諉其中人員往往耽於飲博聲伎自

詡文明所有訛詞似嘲似謔似癡似嚙滿堂譁譟傳爲笑柄其陋劣者乃不知民刑爲何名律例爲何物並有敲贓枉法任性濫刑等情事以致小民含冤負屈呼籲無門怨讟之聲播於道路而各該廳審結咨送法部大理院之覆判案件大率顛倒事實引據失當往復駁斥困難萬狀此等情形若不速加整頓誠恐冤濫日滋而理之愈難怨憤久鬱而發之愈烈大亂之作必自此始矣應請 飭下法部通飭各省督撫嚴督提法使將省城

商埠新設之各級審判檢察等廳人員一律嚴切考核成績認真甄別其不稱職者不必待至第二次考試即立予淘汰免致貽誤要政並由法部速將法官懲戒法編定奏請頒行抑更有進者審判人才最爲難得自非積有學問經驗兩端必不足以當此選從前刑部司員必在署讀律辦案十餘年方能確有見地然尙有終其身而不得門徑者比者法部所限考試法官資格再三變通務從寬大今又以開辦各府廳州縣審判乏才之故奏設年半畢業之法官養成所雖係一時權宜辦法但將來能否見諸實用恐該部亦毫無把握上之視也輕則下之應也亦率存苟且之心種種弊端從茲而起司法前途何堪設

想所有此項法官養成所人員將來卒業後考試任用方法應如何嚴定限制以策實效之處並請 飭下法部妥擬章程奏請遵行以仰副 皇上慎重司法之至意臣愚

昧之見附片具陳是否有當伏祈 聖鑒謹 奏

法部奏李鵬齡等願就原官應准註銷法官斤

再准護四川總督王人文貴州巡撫龐鴻書先後咨據上年四川考取法官補用知縣李鵬齡貴州考取法官補用知縣梁韻清等呈稱司法任重力弗能勝情願註銷法官仍以知縣補用等情由各該提法使詳由各該督撫轉咨核辦前來查李鵬齡梁韻清二員均係補用知縣在各該省第一次考取法官業經臣部奏請任用在案今該員等既願就原官自應准其註銷法官仍各以知縣補用謹附片陳明伏乞 聖鑒謹 奏宣統三年六月二十二日奉 旨依議欽此

法部奏湖北試署武昌府地方審判廳推事長林祖彝補行考試片

再臣部上年奏准考驗京外已設各審判檢察衙門人員酌擬辦法一摺內稱各該督撫